

VOILA



60

CHAPEAU
CARO
QUIZ
TERMIN
CHAPLIN
MARSCHUSCHTE
ARGITA
MICHÈLE
PROLOG
GRILLOOBE
NOEMI
JACQUELINE
FRAUEBUMMELI
KÄPPLI
WANDERIG
TATTOO

Basler Rolli Jungi Garde & Stamm TERMINKALÄNDER

Wenn	Was	Wo	Zyt	Wär
SA	20.10.2018	Herrebummel		Stamm
SA	27.10.2018	Frauebummel		Stamm
SA	17.11.2018	Bunte Oobe	Gladdi Addore 17.30	Stamm, JG, AG
SA	20.12.2018	Rolli-Wiehnacht		Stamm
SA	05.01.2019	Blaggedde Usgoob		Stamm, JG, AG
DO	10.01.2019	Start ins Jubeljoohr		Einigi
SA	26.01.2019	Vogel Gryff		Interessierti
DO-SA	31.1.-2.2.2019	Offiziells		Muetigi
SO	03.02.2019	Gmeinsami Marschiebig		Stamm
SA	09.02.2019	Yebigssamschtig		Stamm
DO	14.02.2019	Gmeinsami Marschiebig	Zoobe	Stamm / AG au
SA-FR	23.2.-1.03.2019	Drummeli	Musical Theater	Stamm
MO-MI	11.-13.03.2019	Fasnacht	Stadt 04.00	Stamm, JG, AG
SO	24.03.2019	Bummel		Stamm
SO	31.03.2019	Bummel		JG, AG
DO	04.04.2019	Lämpesitzig		Stamm
FR-SA	12.-20.07.2019	Basel Tattoo	Kasärne	Stamm, AG
SA	17.08.2019	Grillplausch		Stamm, JG, AG
SA	21.09.2019	Jubelfescht		Stamm, JG, AG

Die aktuelle Termin vo dr Alte Garde
wärde über's Internet mitteilt



PRO...

- | | | |
|--------------|-----------------|--------------|
| - Rolli | - duktion | - eble |
| - secco | - blem | - fit |
| - tokoll | - fessionell | - scht |
| - infirmis | - fi | - zänt |
| - tze | - beλεκtion | - kura |
| - vinz | - Negro Rhygass | - paganda |
| - minänz | - Natura | - phet |
| - stata | - jägg | - Senectute |
| - 7 | - fil | - Juventute |
| - fässer | - vian | - PRO... LOG |
| - biere | - visorisch | Voilà |
| - und contra | - peller | |
| - Innerstadt | - esmeli | |
| - späggt | - let | |
| - hibition | - band | |
| - miskuität | - ficterol | |
| - vin | - nto | |
| - gramm | - mille | |
| - vokativ | - fezeilig | |



s Voilà Team

Inhalt Stamm, Layout, Gschaltig & Dätschmaischiere: **Nadine Nickler**
Mitässer & kreativi Mitdängger: **Conny Kühner, Andrea Roth, Marcus Hablützel**

Inhalt Jungi Garde: **vakant**

Inhalt Alti Garde: **Thomas Wyss**

Versand: **Prisca Häner**

baslerrolli@gmail.com; <http://www.baslerrolli.ch/>

Administrativs / Jacqueline

Liebi Rolli

Ich heiss Jacqueline Knöri und bi d Schwöschter vo dr Karin Schwald. Ich schaff bi dr Helvetia und mini Hobbys sind Sport und natürlich Fasnacht.

Ich pfyff scho syt ich 9 Joor alt bi. In dr Junge Garde vo de Rootsheere bin ich gross worde und ha denn vor ca. 15 Joor zu de DVD gwechslet. Leider hets in dere Clique grossi Veränderige geh und ich ha die letschte 2 Joor kei Fasnacht gmacht. Ha denn aber schnell gmerkt, dass es kei gueti Idee isch, nur am Strooserand z stoh, das got gar net!!!

Us däm Grund und nach einige Stupser vo diverse Rollis han ich mi entschlosse Euch azfrooge ob ich bi Euch Fasnacht mache darf. Die erschte Pfyfferstunde han ich scho hinter mi brocht, ich muess zwor no einige Märsch lehre, aber ich versprich flyssig z yebe und es macht super vyl Spass.

Ich freu mi uff die erschti Fasnacht mit Euch.

Liebi Griessli

Jacqueline



Administrativs / Michèle

Ich bi d Michèle Emmenegger und wohn mit mim Maa (jo, s'isch dr Emme) und unserem Sohn z Birsfælde. Pfyffe dueni scho bald 35 Joor. Die letschte 28 dervo hani bi de Verschnuuffer verbrocht.

Zu de Rolli bini koh, well d Spatze vo de Dächer pfiffe hän, dass das e glatte Huffe isch, wo s Verainslääbe pfläggt, schöni Musig macht und s gärn luschtig het.

Näbem Fasnacht mache bini gärn mit minere Familie zämme, due gärn raise, koche, wandere, schiifahre und s Läbe gniesse.

Ich freu mi sehr, dass ich bi de Rolli darf sy und bi jetzt scho gespannt, was mi in däm erschte Joor mit euch, am Drummeli und an dr Fasnacht alles erwartet.



Inseratetarif:

1 Syte	1 Usgoob	90.- Frangge
1 Syte	4 Usgoobe	270.- Frangge
1/2 Syte	1 Usgoob	50.- Frangge
1/2 Syte	4 Usgoobe	150.- Frangge
1/4 Syte	1 Usgoob	30.- Frangge
1/4 Syte	4 Usgoobe	90.- Frangge

SpiKo – Info

Alli Repertoire-Märsch sin jetz in 3 Tempogruppe yteilt. Do die aggtuell Repertoirelischte mit däre Zuesatzinfo.

Basler Rolli, Répertoire – Fasnacht 2019						
S=Stamm, A=Alti Garde, J=Jungi Garde, B=Binggis						
Tempo: 1= gmietlig ca. 86/ 2= mittel ca. 96/ 3= zaggig ca. 112						
1	MORGESTRAICH	S	A	J	B	
1	ALTI SCHWYZER / 10.Värs	S	A	J	(B)	B: 10. Värs
2	ARABI	S	A	J	B	
1	RYSLAIFER	S	A	J	B	
2	ROUTE SYMPHONIE	S	A	J	B	
3	AUPRES (Tv)	S	A	J	-	
2	DUDELSAGG	S	A	J	-	
1	GLOPFGAISCHT	S	A	J	-	
2	NAAREBASCHI	S	A	J	-	
2	RETRAITE (*)	S	A	J	(B)	*S: Dambuure Y- / Usletlig B: Grundmotiv
3	SAMBRE ET MEUSE (Tv)	S	A	J	-	
3	UNGGLE SAM (Tv)	S	A	J	-	
2	WHISKY SODA (Tv)	S	A	J	-	
3	BASLER MÄRSCH	S	A	-	-	
2	BRITE 79 (Tv)	S	A	-	-	
1	FESTSPIEL / Wettstaimarsch	S	A	-	-	
2	FESTIVAL	S	A	-	-	
2	HANSDAMPF	S	A	-	-	
3	KEENIG (Tv)	S	A	-	-	
3	LE LANCIER (Tv)	S	A	-	-	
3	MONTY (Pv)	S	A	-	-	
2	OHREMYGGELI	S	A	-	-	
2	ROSSIGNOL	S	A	-	-	
3	SIXTY NINE (1969) (Tv)	S	A	-	-	
3	APOLLO	S	-	-	-	
3	COPAIN (Tv)	S	-	-	-	
2	HANSWURSCHT	S	-	-	-	
2	HOFNAAR	S	-	-	-	
2	SPALEBÄRG	S	-	-	-	Pfyffermarsch
(Tv)=Dambuurevorspiil , (Pv)=Pfyffervorspiil						
Drummelmärsch:						
2	CELANESE	S	A	J	-	
2	MÄTZLI	S	A	J	-	
2	UELI	S	A	J	-	
2	DREIER	S	A	-	-	
2	BASEL NORD	S	-	-	-	
2	DÜSEFÄGER	-	A	-	-	

SpiKo, 09/2018

Rolli Marschtempo

gmietlig
ca. 86 bpm

ALTI SCHWYZER / 10.Värs
FESTSPIEL
GLOPFGAISCHT
RYSLAIFER

mittel
ca. 96 bpm

ARABI
BASEL-NORD
BRITE 79
CELANESE
DREIER
DUDELSAGG
FESTIVAL
HANSDAMPF
HANSWURSCHT
HOFNAAR
MÄTZLI
NAAREBASCHI
ROUTE SYMPHONIE
OHREMYGGELI
ROSSIGNOL
RETRAITE
SPALEBÄRG
UELI

zaggig
ca. 112 bpm

WHISKY SODA
APOLLO
AUPRES DE MA BLONDE
BASLER MARSCH
COPAIN
KEENIG
LE LANCIER
MONTI (Pv)
SAMBRE ET MEUSE
SIXTY NINE (1969)
UNGGLE SAM

Wider erh ltlig: Basler Rolli K ppli!

Neu gits n  be dr klassische Form au in ere mod rne Form f r alli junge und jungbliibene Rolli.

Wottsch  ins (Fr. 20.--)? No schigg em Obmaa e Mail: dominic.stoecklin@gmail.com



Du moderierst s Tattoo bereits sit dr erschte Minute. Wie hesch reagiert wo di die Aafrog erreicht hett? Vrzell mol wie du di uf s Yshalle Tattoo vorbereitet hesch.

Dr Erik hett mir ame schöne Daag aglütete, mir vom Yshalletattoo vrzellt und mi gfrogt obi drby wär. Do ich grundsätzlich, wennis ka yyrichte, guete Idee nie vrschlosse bi und immer e offes Ohr ha für so Gschichte, hanni nid miesse überleege. Für mi isch klar gsi, assi drbi bi und was nochär denn druss worde isch, isch natürlig ungläublich gsi. D Vorbereitig isch vor allem denn intensiv, wenn die ganze Bands do sinn und d Probe los gönn. Denn gohts drumm z'wüsse was me schribt, dr Teggscht z formuliere und uf die ganz Show abz'stimme. Es hett am Afang sehr viel Leerläuf gä, will ich dr ganz Teggscht gschribe ha bevori gwüsst ha wo was gsetzt wird. Bi de Probe ischs denn meischtens grad umgekehrt gsi.

Und wie hett sich die Vorbereitig inzwüsche vränderet?

Mittlerwile triffi mi 2 Wuche vorhär mitem Erik sehr lang und intensiv, wo mr die ganz Show bis ins Detail dure gönn. Ich weiss denn bevori mi ans teggschte mach vo Afang a, wo's was brucht. Durch das hämmer e sehr grossi Effizienzsteigerig in dä ganzi Prozäss ine brocht.

Fallt dir alles sälber ii wo du vor dr Show em Publikum vrzellsch (e highlight per se!), oder hesch do Vorgoobe? Und wie kunnsch uf die luschtige und guete Idee?

Ich bekum gwüssi Vorgoobe was sicher muess gseit wärde, z.B. Ticketverkauf für s nägschte Johr, dass d Lüt nach dr Show d Fläschli und Pellerine mitnämme oder sunschtigi organisatorischi Sache. Alles andere isch mir überloos - komplett - i bi total frei und die Freiheit gniessi au. Ca. 70% isch öbbe s glich und 30% situationsbedingt.

Beschrib di in 3 Wort:

Emotional.

Dirägg.

Sälbschtrektierend.



Wie schtellsch du dir die perfäggti Wält vor?

Z'Basel am Rhy, im Wallis in de schöne Bärge, mit tolle Mensche, gueter Gsellschaft und spannende Gschpröch. Und Feschter. Und Schlager.

Wie lang bruchsch um d Stäge zue dine Speakerbox uffeseggle?

(Er lacht, will offesichtlich hett er no nie miesse seggle) Ich fang bi de Probe bereits a d Zit genau z'stoppe, wie langi zue jedere Moderation ha. Sobaldi d Speakerbox verloss, denn nimmi die laufendi Uhr mit und ha die immer in dr Hand bis zur nägschte Moderation.

Was bringt di zum lache?

Alles was luschtig isch, insbsunderi Sälbschtironie dörf me nie vrliere und au e gwüssi Portion Sarkasmus.

Wenn du mol 1 Oobe kei Speaker wärsch - welle Hälfer-Job bim Basel Tattoo gluschtet di? Worum?

Fahrer. Will du dört tolli Autos kasch fahre und vor allem aber au oftmols e diräggtete persönlige Kontaggt hesch mit dene Lüt, wo mit dir mitfahre und meischtens wohrschinlig au no spannendi Lüt sinn.



Bisch au mol e Bier am Rolli-Stand go nä?

Sälbverschtändlig.

Was isch di Highlight am Basel Tattoo 2018 gsi?

Jedi Show isch für mi e Highlight, die moderiere z'dörfe. Vor allem wenn du nach dr Show denn au Feedback bekunnsch - was dasjohr zimlig uspräggt dr Fall gsi isch, wills de Lüt sehr guet gfall e hett. Dr Job, s ganze Tattoo, die ganzi Wuche mit de lange Nächt in dr Castbar isch e einzigs Highlight in mim Jahreskaländer.

Das isch e gueti Überleitig zue miner leschte Frog: Was kunnt dr bim Stichwort Castbar so alles in Sinn?

Live Sound, gueti Gschpräch, Alkohol, und Party ohni Änd, wo allne uniig-schränggt Spass macht und dr ganzi Tattoo Geischt so richtig zum Vorschein kunnt.

Was dr René de Basler Rolli no mitteile will.... “D Basler Rolli isch eini vo dene Clique woni mi immer freu wenni si an dr Fasnacht trifft. Siggs spilenderwiis oder au in dr Beiz - was vor allem au do drmit zdue hett, dass ich vieli vo de Basler Rolli kenn und sowieso Freud ha wenni si aatriff.”

Dangge vylmol fürs Interview, René!

www.rene-haefliger.ch



Beraten.
Planen.
Steuern.

Verkehr & Transport sichern Zukunft.

RAPP 

Wir planen Projekte für alle Verkehrsträger und begleiten deren Umsetzung. Zudem sind wir spezialisiert auf Verkehrsmanagement, Verkehrstelematik, Güterverkehr und im Tarifwesen des öffentlichen Verkehrs.

Rapp entwirft Zukunft. Nachhaltig – Tag für Tag. Als führendes Planungs- und Beratungsunternehmen mit über 450 Ingenieuren, Architekten und Fachspezialisten entwickeln wir integrale Lösungen für unseren Lebensraum und die bebaute Umwelt.

Werfen Sie einen Blick auf www.rapp.ch

Rapp Trans AG | Ein Unternehmen der Rapp Gruppe
Güterstrasse 137 | CH-4018 Basel | T +41 58 595 77 77

Chapeau



Liebi Rolli

An däre Stell do möchte mir in Zuekunft e Rolli oder öbber us em Rolli-Umfäld lobend erwähne.

E Person wo sich durch ihre Ysatz oder sunscht wie bsunders hervor do het.

Bitte diend uns and Miladrässe unde jewyyls bis zum Redaggtionsschluss Euri Vorschleeg schigge, mir dangge euch.

baslerrolli@gmail.com



Was isch das?????




- a) dr letschti Schrei vonere Schiibrülle
- b) e Fuessfessle
- c) e Halterig für 2 Leitige
- d) en elastischi Schlegelhalterig
- e) e Naaseschleudere
- f) e modärns Piccolotäschli

Dr Obmaa vo de Basler Rolli und s'verschundeni Requisit

Kumm bitte schnäll, unser Requisit isch gsthole worde“, seit s'Vreneli zum Obmaa vo de Basler Rolli am Delifoon und ergänzt „und das usgräch-net am Sunntig vor em Cortège“.

Dr Obmaa vo de Basler Rolli macht sich sofort uf e Wäg und stampft durch dr Schnee in Cli-quekäller, wo s'Vreneli scho ganz ufgregt wartet. D'Källertüre sig offe gstande wo s'Vreneli in Käl-ler ko isch und do isch ihre sofort ufgfalle, dass s'Requisit nüme ume isch.



Jetzt isch es am Obmaa langsam au richtig Angst und Bang worde. Morn Nomidaag soll doch s'Requisit am Cortège s'Sujet vollkomme mache und alli Zeedel, wo scho im Requisit deponiert worde sind, könne jetzt au nüm am Strooserand verteilt wärde. Wie jammer Schad au!

Enttäuscht losst sich dr Obmaa uf e Stuehl gheie und dänggt noche. Komisch, hüt Mittag isch doch dr Källerchef no vor Ort gsi, ihm wär doch bestimmt ufgfalle, wenn s'Requisit denn scho wäg gsi wär...plötzlich springt dr Obmaa uf, rennt d'Trappe ufe zur Ygangstüre und luegt use, wo sit gester Nacht Schnee ligt.

Näbe e paar Fuessspure im Schnee, ka er nüt anders erkenne. Also stiggt dr Obmaa langsam und entspannt d'Trappe wieder abe in Käller und frogt s'Vreneli, ob sie denn au im hintere Teil vom Käller noche gluegt heb. Und zur grosse Überraschig vom Vreneli und Erlicherig vom Obmaa steht s'Requisit ganz hinde im Käller im ene Egge und wartet, bis es use an Cortège dörf.

Wieso het dr Obmaa vo de Basler Rolli plötzlich gmerggt, dass s'Requisit gar nit gstoole worde ka sy?

Nochwuggs / Wanderdaag

Liebi Basler Rolli,

mir verzelle euch vo dr JG Wanderig uf dr Sulzkopf. Mir hän uns bi wunderschönem Wätter bi dr St.Jakobhalle troffe und sin kurz druff abe los. Nach dr erschte Kurve isch scho bald s'erschte Mol d Froog kho: "Wie lang goht's no.....goht's no lang?" D'Antwort uf die Froog isch aber au immer öppe die glychi gsi: "Jo jo, es goht nüm lang,.... nur no e paar Stund,..... nur no e Stund,.... nur no e halbi Stund,.... nur no um die nägschti Kurve,....oder die nägschti?" Ändlich (mir hän scho nüm dra glaubt) sin mir denn doch am Ziel akho. Es super Us-sicht und e tolli Füürstell hän uns erwartet. Mir hän feini Würscht brötlet, Schlangebrotteig knättet, Chips gmampft und unsre Durscht gstillt. E paar Kinder hän e Seilbahn am Hang baut, anderi sin ufem Fudi abe grutscht oder hän Stägge gschnitzt. Es isch e super tolle Tag gsi und mir zwei sin nacheme lange Schuumbad mied aber glücklich ins Bett gfalle.

Finn & Lia Delay





Wie heiss ich?

Argita Limani

Wie alt bin ich?

5.10.2008

Was mach ich bi de Rolli?

Pfyffe

Worum bin ich bi de Rolli?

Zum Fasnacht mache

Was hätt ich gern an dr Fasnacht zum z'Nacht?

Pizza

Welles Gosdym hätt ich emol gärn an dr Fasnacht?

Alti Dante

Was für Hobbies ha ich no näbscht de Rolli?

Bade

Was möcht ich an dere Stell no gärn sage?

Ich komme gerne in die Übungsstunde.

Wie heiss ich?

Noemi Stinski

Wie alt bin ich?

17.10.2008

Was mach ich bi de Rolli?

Pfyffe

Worum bin ich bi de Rolli?

Zum Fasnacht mache



Was hätt ich gern an dr Fasnacht zum z'Nacht?

Hamburger und Pommes Frites

Welles Gosdym hätt ich emol gärn an dr Fasnacht?

Katzebusi

Was für Hobbies ha ich no näbscht de Rolli?

Leichtathletik und Karate

Was möcht ich an dere Stell no gärn sage?

Es macht eifach immer Spass. Ich spiele gerne Piccolo und die Lehrerin ist mega nett.

Rolli-Tattuubäiz-Erläbnis

Samschtig-Ysatz (Raclette & Buffet): O je, kuum us de Feerie zrugg, scho wieder Rolliverpflichtige....

Pflätschnass (s'isch verglemmi heisser als in Griecheland) am Rolli-Schtand itroffe und dr Kolleeg Jäcky schwiirt - mit eme iisige Lätsch - scho voll gscht-resst um d'Raclette-Ööfe umme! Das foot jo scho guet a.... S'folgt e Kurz-inschtruggtion, wie funktioniere die Göppel? Wieviel vo däne Fünf bruchts während dr Schtartduur? Die erschti Tattuu-Uffiehrig goht jo bereits am halber Säggsi los. Scho vor de Vieri Volljuuflede; d'Lüt schtöön Schlange, fascht alli wänn Raclette (und dr Fongs bleibt uf de Wüürscht hogge...)! Kääsabschaabe wie verruggt, zwei Mol d'Finger verbrennt; s'dampft und schtinggt; e Sauhitz! Schtimmt d'Mängi (s'het sone fräche Sagg wäge zwenig Kääs gwäffelet...)? S'folgt e Kurzberächning wägem Gwünn mit de Scheffe Dominic und Rico; E bitzeli grösseri Hüffe ka's problemlos verdraage... Noch ere Schtund lebig lauft's denn wie gschmiert uf e Däller (zwscheniine aber immer no au uf e Boode...)! S'isch e Fröid mit em Jäcky z'schaffe; d'Tattuu-Bsuecher sin begeischeret!

Denn ab hinters Buffet; kei Ahnig wie me e „Gschpritze“, „Waggis“, „Aperolli“, „Gin-Tonic“ macht, wo dr Bulver deponiert wird! Am Aafang nur im Wääg ummegschtandel! Zum Glügg d'Evi zer Site! Unter schtränger Uffsicht („nit so viel Gin!; nei, do kunnt kei Zitroneschnitz dri!; e suure Gschpritze, nit e siessel!; s'het keini Yysschtüggli meh...!) denn aber Beförderig zum Handlanger! Die erschte sälbergmachte Gsöff wärde schträng kontrolliert; s'goht alles no viel, viel z'langsam! Gegene Schluss troztdäm e gwüssi Produggtiviteet an Daag glegt, hoffentlig... .



Mittwoch-Ysatz (Grillgimmerundlängmer):

Äigedlig eher e iisi Dschobb...(wenn me luegt, wie sich s'andere Thiim an de Ööfe abraggeret). Verschtuunt, dass dr „Rolli-Glöpfer“ no e rächt guete Absatz gfunde het (s'Volgg isch eifach gittig uf Kääs, erschtuunlig bi däne Tämperatuure...!)



Zum Glügg, bi däre bsunderbare Wurscht schtimmt sicher au dr Gwünn...! Zuedäm mol d'Mööglichkäit khaa - uf Koschte vo schwaarze Wüürscht - mit em Fongs z'schnädere!

Donnschtig-Ysatz (Raclette): Plaanti Yteilig mit em Cello, doch dä het's verglunggt... Ah nei, är tuscht die zweeti Schicht mit em Päti ab! Dr gliich Schtress

und Dampf um d'Biire wie am Samschtig...! Alli wänn numme dä Kääspflutter; drzue no Frooge uff Änglisch und Hochdütsch beantwoorte! Eine us em Schwoobeland will wüsse, ob „d'Biilaag“ bim Raclette öppis zem mampfe isch, är heig das Gricht no nie ufere Schpiiskarte gfunde...

Zämmenarbet mit em Päti isch absolut top (bessere Schigg gmacht dangg ere Vollverwärtig vo dr Kääsrinde...!)

Pünggtlig am Nüüni Flucht us däre Käässauna.... . Läbtig kei Raclette mee (nit emol mit Aromat...!)

Frytig-Ylsatz (eigentlich Serwierbolze, denn aber Raclettegimmer- und-längmer): Schloofflosi Nacht verbrocht.... Serwierbolze (?!!) Nei, bitte nit.... Am Morge e supernätts Whatsäpp an d'Andrea und Inge (häilloosi Mie gä)! Nit viel schpöter d'Erlösig, dr Abtusch het problemlos klappt mit dr Inge (d'Claudia isch z'schpoot gsi...)! An däre Schtell nomol härzlige Dangg! Volle Rotations-Ysatz als Raclette- und Grillgimmerundlängmer mit dr Andrea zämme! Immer schön drei Güürggli und Ziibeli (jo nit meh, wägem Schigg...), drzue vier nit allzue grossi Häädöpfeli (gniegt's ächtscht nit au nur mit drei?!)

Dr „Rolli-Glöpfer“ längssitig ufschnide, d'Hutt muess aber d'Helftene no zämmehebe, e paar gschnätzleti Güürggli druff, e Schiibe Broot (oder ussnaamswiis, im Maximum, drei Häädöpfel, jo nit meh!) und denn Abgoob ans Raclette-Thiim fir e bitzeli gschmolzene Kääs druff... Die vier Schtund sin ummegange wie im Flug, d'Andrea isch do dra nit unschuldig gsi!



Zwäiti Samschtig-Ysatz (Nochschoob): Tramwächsel uf em Märtpplatz; s'schtinggt fūrchterlig no verbrennt, sin amänd d'Ööfe vergässe worde abzschtele?? E schwarzi Rauchsüüle überem Gläibaasel losst Böses ahne....; doch d'Rolli-Bäiz schtoot no!

Zeerscht nit viel los usser e paar Gläiterspörtli; mit em Bschtellformular zem Bschtellbüro, denn mit em Usgoobschiin zur Usgob! Wiirgglig ganz eifach, nur e bitzeli Geduld bruuchts drbi! Noch säggs Schtund Gaarette hi und här schiebe au dr letscht lisatz guet überschtande; jetzt kunnt dr Cello draa die (aller-) letschti Schicht z'übernää!



E hänzligs Danggschöön an d'Dätschmäischtere Prisca und an die beide Dätschmäischer Dominic und Rico, wo vo A - Z alles voll im Griff khaa hän; usser e paar berächtigt (das sicher nit!) Schimpfis ka an die Drei kei Gritigg erhobe wärde!

S'isch voll dr Blausch gsi! Und dr Gwünn miesti äigedig au schtimme!


NB Vor e paar Daag wieder emol e Raclette-Fuud gschmisse; eigenartiger-wiis het's nit emol eso schlächt geschmeggt!

Schmidii



musik oesch basel
DAS FACHGESCHÄFT FÜR BLASINSTRUMENTE

Spalenvorstadt 27 • 4051 Basel • 061 261 82 03



Lösig vom Kinderquiz:

Wills im Schnee nume Fuessspure und gheini Radspure ka het, ka s'Requisit dr Käller nit verloh ha.

Aläss / Grillplausch Augustsch 2018



Aläss / Hochzyt Caro & Tobi, 18.8.2018

Liebi Rolli

Mir möchte uns ganz härzlich fir das tolle Ständeli zu unserer Hochzyt und dr aschliessendi Mini-Cortège zum Leuezörn bedange!! Es isch ganz e bsunderigs Erläbnis fir uns gsi und wird uns in schöner Erinnerung bliebe!

Vyle Dangg!

Caro & Tobi



PS: Uf dr Rolli-Homepage git 's no meh Föteli zu däm Dag.

Geschätzte Leserin, lieber Leser

Zwischensaison? Tote Hose? Saure Gurken Zeit? Weit gefehlt. Das habe ich festgestellt als ich mein kleines, mobiles Gedächtnis (einen simplen Notizzettel!!) zu den letzten paar Wochen und Monaten befragt habe.

Als gelungenen Startpunkt darf man wohl mit Fug und Recht unsere GV bezeichnen. Nun ist das ja allgemein eher als eine etwas trockene und formalistische Veranstaltung mit statuarischem Zwangscharakter bekannte Angelegenheit. Nicht aber, wenn man – unter dem Traktandum Neuaufnahmen – Besuch von ‚Frau Änischänli‘ bekommt, welche uns ihre profunden Einblicke in die Schönheitspflege ältere Damen vermittelte. Ich darf wohl ohne grosse Übertreibung behaupten, dass wir uns noch selten/nie so gut amüsiert haben an einer Rolli GV. Für Uneingeweihte noch eine Kurzauflösung. Unser Pfeiferfreund Rene Christen, welche durch Zufall aus Aarburg zu uns gestossen ist, hat sich entschlossen, um Aufnahme als Mitglied zu ersuchen. Um diesem Ansinnen auch das notwendige Gewicht zu verleihen hat er uns eben diese Nummer, wohlverstanden in bestem ‚Baseldytsch‘ zum Besten gegeben. Keine Frage, dass er nicht nur die Lacher sondern alle Mitglieder auf seiner Seite hatte. Herzlich willkommen als Rolli lieber Rene!!



Erwähnen möchte ich auch eine sehr gelungene Einladung zum 60. Geburtstag von Evelyn Krieger. Leider habe ich dazu kein passendes Bild gemacht. Sie hat uns nämlich nicht nur einfach einen Apero (den gab's natürlich auch und erst noch mit besonderen Leckereien) offeriert, sondern an einem heissen Sommer-Montagabend ein fetziges Rockkonzert im Z7 in Pratteln. Dass dabei die ‚Hooters‘ ihren Auftritt hatten passte perfekt. Haben sie doch einige Songs zum Besten gegeben welche die meisten von uns an unsere jungen Jahre erinnerten. Eine geniale Idee. Besten Dank Evelyn.

BRAG am Tattoo!! Ganz im Sinne des kommenden Sujets!!



Natürlich wussten wir das noch nicht als Lukas Glaser die Idee in die Runde warf, dass doch die Pensionäre der Alten Garde jeweils den Aufbau bewerkstelligen könnten. Dies um all jene zu entlasten welche noch einer Arbeit nachgehen und nicht einfach um 15 Uhr vor Ort sein können. Und so hat sich ein kleines, verschworenes Trüppchen gefunden,

welches in zum Teil leicht variierender Zusammensetzung jeweils den Aufbau und die Inbetriebnahme der Beiz bewerkstelligte. Ich muss sagen, das war eine famose Idee und hat echt Spass gemacht. Wir haben uns so gut verstanden und Hand in Hand gearbeitet, dass jeweils deutlich vor 17 Uhr alles bereit war und ein erstes, kühles Bierchen als Belohnung bereit stand. Und ja, es war saumässig heiss in diesem Jahr. Aber was solls!! Hoffentlich hatten die Besucher ebenfalls Durst und haben zu einem erfolgreichen Geschäftsergebnis beigetragen. Wir werden sehen. Ich werde auf jeden Fall im nächsten Jahr wieder zur Aufbautruppe gehören.


Und auch unsere Damen haben wie jedes Jahr ihr Time-out genannt Frauenbummel genossen. Dazu habe ich von Esti den nachfolgenden Bericht erhalten.

Frauebummel Alti Garde am 9. Juni 2018

Im Uffruef zem Apéro im Brune Mutz uff die 10i am Morge sinn 7 Rollifraue gfolgt, ai Rollifrau het no miese schaffe und isch später drzue ko. Nachere lauwarme "Ovomaltine" simmer gschtergggt gsi für dä Wanderdaag mit FlipFlops! Und los isch es gange - quer über dr Barfi ins Spielzüüg Wälte Museum, wo mir uns die exquisite Goschdym vo de venezianische Fasnachtball agluegt hänn. Ai Pracht us Syyde, Samt, Brokat, Goldfäade- Stiggereie,



Ihr **Wein-** und **Getränke-** **Lieferant**



Theo Rietschi AG
Getränke en gros



Hahn-Rickli AG
Weinkeller

Alti Garde / Neys bi de Alte / Teil 3

Hiet, Fäädere, Pelz...und und und - mir sinn gschwelggt in Goschdymwünsch für d'Baslerfasnacht hänn aber au gseh, dass es s'Fasnachtslääbe in Basel nur wurdi behindere!!

Drno hänn d'Organisatorinne Anita und Doris sanft zem Uffbruch gmahnt, und mir sinn uff e 8er gseglet Richtig Weil am Rhy, kaini vo uns hett e Ykaufsgugge drby ka - ka nur schief go!!! ABER mir hänn am Wiesedamm wyder dr 8er verloh und sinn dr Wiese entlang Richtig Rieche marschieret, Autobahnvignette glöst, mit Velofahrer kämpflet, bis mir Rollifraue am alte Ysweiher vom Luc miteme gluschtige Apérobuffet erwartet worde sinn; Gugelhopf (nacheme uralte Familierezäpt) und e schprützige Elsässer Wyse hänn uns nach dere Flachwanderig wyder gschterggt und mir hänn drno bis in d Schliessi ohni Halt könne wyterlaufe.....und sinn ändlig zum Mittagässe ykehrt!

Dä gmietlig Mittagshalt hett sich usezooge und es isch au immer haisser worde, aber d Anita und Doris hänn no e grössers Programm vorbereitet ka Bi gfühlte 45° isch Uffbruch gsi mit Zyy! Rieche-Dorf – oder aifacher «nächster Halt zur grünen Amsel» und e kiehls Bierli drzue – und scho gly hett uns dr BVB-Bus bis zum Otti- Wänk Platz gfaahre grad vor's Landauer Freizytzentrum – unser Zyy!



Miteme Thaikochkurs mit dr sympatische Krisana Peter isch d Hoffnig uff 'anesitze' und 'gniesse' nüd gsi – 2 Vierergrubbe - am rüschte – am koche – am Disch degge – Wy organisiere - Wygleeser sueche - sinn voll beschäftigt gsi in dere Landauerkuchi aber es hett e Abwäschmaschine ka.... uff!

S Menu : KHANOM PANG NA MUU – AJAD - GÄÄNG MASSAMAN – PLAA PAT PRIG THAI DAM (es git kai Uebersetzig drzue!) E feins Nachtässe wo jedes vo uns öbis gluschtigs gfunde oder au kenneglehrt hett und mit Kaffi und Kueche abgrundet worde isch.

E ganz tolle Daag mit viel lache, schwätze, ca. 13- dausig Schritt, e baar Weight Watchers Pünggt weniger, starki Gwitter zwüsche 17.48-18.57 hett drno sy Abschluss gfunde.

Alti Garde / Neys bi de Alte / Teil 4

E grosses hätzligs Danggscheen dr Anita und dr Doris – s'isch aifach perfäggt gsi!!!

Ains vo de Rolli Chickens, Esti

Sommerstamm, Grillfest und dann natürlich noch die Vorboten auf das kommende Jubeljahr. Eine sanfte Aufforderung um einen Besuch bei der Schneiderin Anfang August zu tätigen: das hat schon was. Ich glaube fest, dass der eine oder andere nur noch auf das Mail zum Anpassen der Larve gewartet hat. Noch nicht!! Aber die gemeinsame Sujetpräsentation im Parterre war eine coole Sache und hat die Vorfreude auf die kommende Jubelfasnacht so richtig angeheizt. Also packen wir's an: Einer für Alle, alle für einen!! Einfach Rolli.

In diesem Sinne und bis zum nächsten Mal.



optik
schneider

Optik Schneider AG
4009 Basel
Spalenring 15
Tel +41 61 381 91 91
optik-schneider-basel.ch

Lösung vom Quiz S.11:



Rolli unterwäggs / Marrakesch

Vorher/Nacher.... mol unterwäggs in Marrakesch



ZUFFEREY

Goldschmied Bijouterie Uhren

Burggartenstr. 9, Pratteln

Hardstrasse 13, Birsfelden

www.bijouterie-zufferey.ch



dr Dräffpunggt für Drummler



by uns findsch alles
wo's bruucht
zem feyn kenne ruesse

Aluminiumdrummler
Messingdrummler
Holzdrummler
Schlegel
Bandalier etc.

Allschwilerstrasse 34
4055 Basel
061 271 79 19
www.trommelbau.ch

Büchler
Trommelbau
Basel



Ab **U**ff
d'Gass!

Immer unterwegs für Sie.
www.unternaeherer-ag.ch

Unternährer
Unser Elektroprofi



Uff de Spure vom Charlie Chaplin

Dur d'Privatrüüm vom wunderschöne Herrehuus schländere und s'Familie-
läbe vom Künschtler erforsche.

D'Wält vom Stummfilm beträte und uff eme Rundgang in verschiedeni Epo-
che ytauche, ydrüggli Kulissee bestuune und d'Kultfilm vo däm Künschtler
entdecke.

Das kame in ‚Chaplin's World‘ in Corsier-sur-Vevey.

D'Usstellig in dr ehemalige Villa vom unvergässene Held vom Schwarzwyss-
Film, git aim Yblich ins Läbe vom Künschtler und Mensch Charlie Chaplin.

Manoir de Ban, dr einschtigi Wohnsitz, bildet s'Härzstügg und git dangg dr
originaltreue Möbliering und persönliche Gägeständ e blybende Ydrugg vom
Familieläbe.

Offe isch es täglich vo 10.00 bis 18.00 Uhr, für dr Rundgang empfähle sy ca.
2 1/2 Stund yzrächne.

Wyteri Infos unter www.chaplinsworld.com

Jos. Kym AG, Maler Gipser




*mir mole, gipse
und tapeziere*

vielseitig · fair · zuverlässig


Reinach · Laufen

Telefon 061 711 34 58 · www.kymmaler.ch

Schwarzes Brätt



Passiv Mitglieder
sinn noch wie vor
willkomme



D Suechi nach Nach-
folgerInne für d
Nicole und d Simi
im JG-Vorstand
Laufe, bitte
Vorschleeg bim
Preesi deponiere. Es
isch für uns e gan-
ze wichtige Job!

Vorschau uf die nägschte Usgoobe:

- Hochzyt Dominic/Michèle
- VIP
- Jubiläums-Info
- Neui Jungi
- Neui Vorträbler
- Herrebumel
- Frauebummel
- Bunte Oobe JG
- Fasnachts Info